



## МЕСЯЦА МАЯ В 26-й ДЕНЬ

Святáго апóстола Кáрпа,  
едíнаго от седмíдесяти

Стихíры апóстола, глас 1.

Подóбен: Всехвáльнии:

**П**риятными сиянии, ум Божествен творя, /  
просветился еси, всебогате, / и на проповедь  
Христову изшел еси, / и люди научил еси  
чтити Его, / яко Человеколюбца. / И ныне  
моли даровати душам нашим / мир и велию  
милость.

**З**везда пресветла явлься Божественными сия-  
нии, / вселенныя концы просвещаети всегда уче-  
нии, блаженне, / и разгоняеши благодатию мрак  
недужный комуждо. / И ныне моли даровати  
душам нашим / мир и велию милость.

**Ж**ертву безкровну Богу жря совершенную, / за  
Того, мучениче, пожертлся еси / и принеслся еси к  
разумней трапезе, / жертва благовонна, апостоле  
Карпе всебогате. / И ныне моли даровати душам  
нашим / мир и велию милость.

**Слава, и ныне, праздника или Богородичен:**

**В**сепетая Владычице, / надежде верных и утвер-  
ждение, / прибежище и помощь, Тя молим: / от  
всякия беды рабы Твоей сохрани / верою поклоня-  
ющиеся Рождеству Твоему, / Егже моли даровати  
душам нашим / мир и велию милость.

### Крестобогорóдичен:

Своего́ А́гнца А́гница и Непорóчная Влады́чица / на Кресте́ яко́ ви́де, зра́ка не иму́ща, ниже́ добро́ты, / увы́ Мне,— рыда́ющи, глаго́лаше: / где добро́та Твоя́ за́йде, Сладча́йший? / где благоле́пие? / где благода́ть блиста́ющая о́браза Твоего́, / Сы́не Мой любезнейший?

### Тропа́рь, глас 3:

**А**пóстоле святы́й Ка́рпе, / моли́ Милостиваго Бо́га, / да прегрешéний оставлéние / пода́ст душáм нáшим.

**Канóн, творéние Ио́сифово, егóже краегранéсие: Слáвнаго хвалю́ Ка́рпа Божéственнымою любóвию. Глас 4.**

### Песнь 1

**Ирмо́с:** *Воспою́ Тебе́, Го́споди Бо́же мой, / яко́ избéл еси́ лю́ди из рабо́ты египетския, / покры́л же еси́ колесни́цы фараóновы и си́лу.*

Любóвию соверша́ющия твою́ светно́сную и свяще́нную, / сла́вную и всечестну́ю па́мять / све́та Божéственного испóлни, апóстоле, моли́твами тво́ими.

Весь возложився Влады́ще, Сего́ за́коны честны́я неврédны соблю́л еси́, / беззако́нныя же благозако́нию научи́л еси́, апóстоле.

Ум преу́мный возлюбив в зрéнии та́йном, / умом озари́вся, всеблаже́нне свяще́нне, / свет яви́лся еси́ вторы́й.

**Богорóдичен:** Рóждши, Де́во, несказáнно, / есте́ственныя за́коны обнови́ла еси́, / те́мже Тя блажи́м, Мари́е Богоневéсто.

### Песнь 3

**Ирмо́с:** *Лук си́льных изнемо́же, / и немощству́ющии препоя́сашася си́лою, / сего́ ра́ди утверди́ся в Го́споде се́рдце моё.*

Цевни́ца, бряца́ющая Ду́хом, был еси́, всеблаже́нне, / богодви́жимый язы́к твой, веща́ющ вели́чия Спа́са и Бога нáшего.

Име́я Сло́во пребезнача́льное, направля́ющее тя

и я́ве укрепляющее, / безбо́жным спасительныя стези́, Ка́рпе, показáл еси́.

**Ка́рпе**, спасительное проповѣдание твѣри, / яко святитель Богоприятен, возвестив, / мно́га подъя́л еси́ гонѣния и скорби, сла́вне.

**Богородичен:** Но́во яко Отроча́ родила́ еси́, / прѣжде век из Отца́ возсия́вшее неизглаго́ланно, Богороди́тельнице, / сего́ ра́ди Тя сла́вим.

### Седáлен, глас 3.

**Подобен:** Божественныя вѣры:

**Божественное** сия́ние воспри́им, Ка́рпе премудре, Утѣшителиво, / омрачѣнныя невѣдением просвети́л еси́ / и, преставлься к Вѣ́шнему Царству, Царю́ всех предсто́иши, / моля́ Христа́ Бо́га всегда́ дарова́ти нам вѣлию́ мѣлость.

### Сла́ва, и ны́не, прáздника или́ Богородичен:

**Божественнаго** естества́ не отлучся, плоть быв во чре́ве Твоём, / но Бог вочеловѣчся и пребы́сть, / И́же по рождествѣ Ма́терь Тя Де́ву, / яко прѣжде рождества́, сохрани́ Всенепоро́чну, един Господь. / Того́ приле́жно моли́ дарова́ти нам вѣлию́ мѣлость.

### Крестобогородичен:

**Несквѣрная** А́гница Сло́ва, Нетлѣнная Де́ва Ма́ти, / на Крестѣ зря́щи повѣшена из Нея́ безболѣзни прозя́бшаго, / ма́терски подобно рыда́ющи, вопия́ше: / увы́ Мне, Ча́до Моё, ка́ко страждеши во́лею, / хотя́ изба́вити от страсте́й безчѣстия челове́ка?

### Песнь 4

**Ирмос:** Любве́ ра́ди, Ще́дре, Твоего́ образа, / на Крестѣ Твоём стал еси́, / и растая́шася язъцы: / Ты бо еси́, Человеколю́бче, / крѣпость моя́ и хвалѣние.

Созда́в, яко ка́мение, вѣрных мно́жество на благочѣстия ка́мени, / храмы соде́лал еси́ Свята́го Ду́ха, Богомудре апо́столе.

Но́вы соде́лав Крещѣнием, Богоблаже́нне, обещавшия нра́вом тлѣнным, / челове́ки спасл еси́, сла́влящия Христа́, Бо́га нашего́.

**Являя** та́инство Покрѣвшаго добродѣтелию, Богомудре, Небеса́, / привлѣкл еси́ языки к познанию Егѡ, тьму́ отгоня́.

**С** Пáвлом, свѣтѣльником вселѣнныя, путь шѣствуя мно́жицею, / путѣ, ведущія, Кáрпе, показáл еси́ лю́дем ко благочѣстию.

**Богорѡдичен:** Умно Богонѡсный, Богородительнице, / гѡру Тя ви́де вѣлию и присѣнную, Отрокови́це, / от нея́же при́иде плѡтию Бог наш.

### Песнь 5

**Ирмос:** *Просвѣщѣние Твое́, Гѡсподи, низпослѣ нам / и от мглы прегрѣшѣний разреши́ ны, Бла́же, / Твой мир дáруяй.*

**Я**ко садоделатель изрѣден, показáл еси́ лю́дем живѡтное дрѣво, / от него́же яды́й жив бѹдет прѡчее во вѣки, / Христопроповѣдниче апѡстолѣ.

**Пр**оповѣдник языков, апѡстол и учѣтель чѣстен, / священнотайнник и священнослѡв, Кáрпе, быв, / в весѣлии Владѣще предсто́иши.

**О**т восто́ка пришѣл еси́, я́ко незаходя́мая звезда́, / вселѣнную заря́ми твоѣх словѣс и священными просвѣща́я ѡбразы, / иерáрше апѡстолѣ.

**Богорѡдичен:** Сквѣрну ду́ши и телесѣ очѣисти ми ны́не, Благословѣнная, / милосѣрдым Твоѣм воззрѣнием, / я́ко да Тя пою́ и велича́ю по дѡлгу, Всепѣтая.

### Песнь 6

**Ирмос:** *Возопѣ, прообразу́я погребѣние триднѣвное, / прорѡк Ио́на, в кѣте моля́ся: / от тли избáви мя, Иису́се, Царю́ сил.*

**И**сточáет рáка твоѣх мощѣй / исцелѣния то́ки трѣбующим, святѣтелю, благодáтию Божѣственной, / и отъѣмлет стра́сти, и потопля́ет нечѣстыя дѹхи.

**С**лѡво твоѣ, от безсловѣсїя избавля́я челове́ки, / и чудѣс вѣлѣкое показáние, сла́вне, / заблѹждших ко благочѣстию, Кáрпе, наста́ви.

**В**жиля́емь сѣлою Божѣственной, / змѣя, на высоту́ хулу́ глаго́лавшаго, погубѣв, / от ѡнаго поглощенныя, апѡстолѣ, спасл еси́.

**Богорѡдичен:** Родила́ еси́ без болѣзни Зиждите́-

ля, Всенепорочная, / болѣзни и труды наша  
отъѣмлющаго / и неболѣзненной сподобляюща пи-  
щи челоуѣчество.

#### Кондакъ, глас 4.

Подобен: Явился еси:

**Я**ко звезду пресветлую, Церковь всегда стязжа  
тя, апостоле Карпе, / чудес твоих многоподава-  
нием просвещаемая, / спаси верою чтущих память  
твою.

#### Песнь 7

**Ирмос:** Авраамстии иногда в Вавилоне отроцы /  
пещный пламень попраша, песнями зывающе: /  
отец наших Боже, благословен еси.

Недуги отгоня вещанием, исцеляя страсти зна-  
мением токмо единым, / спасительное возвестил  
еси проповедание, священнотайнниче Карпе, /  
просвещая сущия во тьме.

Ярости князей, мудре, никакоже убойвся, / до-  
блественне отлучился еси к страданию болѣзнен-  
ных трудов, зывая: / отец наших Боже, благосло-  
вен еси.

Посетивый ты Господь, Карпе, / Веррии Божѣ-  
ственна постави посетителя, / изрядно посеща-  
юща сию посещении Божественными.

**Богородичен:** Яко пространнейши сущи небес, /  
в ложесна прият Слово Невместимое, Дево, /  
избавляющее тесноты всякия род челоуѣческий.

#### Песнь 8

**Ирмос:** На Кресте плотию пригвожденнаго / и  
показавшаго нам оружие во спасение, / отроцы,  
превозносите Христа Бога нашего во веки.

Павлу, мудрому наставнику, в посланиих служя  
Божественных, святителю, / спасительная учения  
всем раздал еси спасаемым.

Утро светлое, озаряяй вселенную светом пропо-  
веди, показался еси, / и неразумия тьму глубокую  
отгнал еси, досточудне.

Чудеса совершая призыванием Отца и Духа,  
мудре, и Слова воплощеннаго, / уверил еси еллины  
мудрыя Трипостасное Существо чтити.

**Богородичен:** Явилася еси Небо, Богородительнице, / возсиявши нам правды Солнце, / просвещающее вся ны в разум Богоразумия.

### Песнь 9

**Ирмос:** Рождество Твое нетленно явился: / Бог из боку Твоею пройде, / яко Плотносец явился на земли / и с человеки поживе. / Тя, Богородице, тем вси величаем.

Видев со славою Бога, восходяща с плотию в Вѣщная, / седмидесятим, Карпе, учеником сопричелся еси, / изшел еси вкупе с ними, проповедник Божествен являясь.

Яко овча посреди волков, послан был еси, / претворяя тех, Карпе, к разумению, словом истинным на спасение, / и прелагая сих нрав, Богоглаголивие, ко благочестию.

Собеседник явился еси ангелом, апостоле Карпе Богоглаголивие, / апостолом же и мучеником, дивно во благочестии скончавшимся, / с нимиже ликуя весело, и нас поминай.

Освятил еси, Карпе, шествуя, землю, / и святое проповедал еси Евангелие верою, / и души Живоначальному Слову привел еси. / Темже тебе дарует наследие Небесное.

**Богородичен:** Глас Ти приносим, Дево, Гавриїлов, вопиюще: / радуйся, легкий облаче, радуйся, земле неделанная, / клас красен плодоносящи, Питателя всей твари.

**Святой апостол Карп** (из числа 70-ти) — ученик и спутник святого апостола Павла. Во Втором послании к Тимофею апостол упоминает имя Карпа, в доме которого в Троаде он оставил фелонь и книги (2 Тим. 4, 13). Зная Карпа как человека добродетельного и обладавшего возвышенной чистотой ума, апостол Павел поставил его епископом Берии Фракийской. Апостол Карп ходил с пропо-

ведью Евангелия на остров Крит. Здесь его посетил святой Дионисий Ареопагит (память 3 октября). В своих воспоминаниях Дионисий рассказывает о чудесном видении апостолу Карпу.

Святой апостол Карп скончался мирно в Берии (по другим источникам, он принял мученическую кончину в гонение римского императора Нерона).



**Святаго великомученика Христова Георгия,  
мучившагося в Средце, граде Болгарском,  
от безбожнаго царя Селима Турскаго**

**НА ВЕЛИЦЕЙ ВЕЧЕРНИ**

**Блажен муж: 1-й антифён. На Господи, возвах:  
стихиры на 8, глас 5.**

**Подобен: Радуйся:**

**Р**адуйся, прехвально мучениче Христов Георгие! / Тебе ни свирепство мучителя, / ни словес ласкания, ни мук прещения, / ни горькая биения, ни темница / от Христа отвергоша, славне, / но в толико суровство нечестивии приидоша, / еже священным твоим плотем с жезлы возноситься на воздух / и земли обагриться кровию твоєю. / Ты же ни гласа испустил еси, мучениче, / но втайне устнами движая, молитвы возсылал еси к Богу, / Егоже из младенства возлюбил еси. / Емуже и молися / даровати душам нашим мир и велию милость.

**Р**адуйся, страстотерпче Христов, Георгие прехвально! / Ты кровию твоєю честною землю освятил еси, / и скверныя крови, приносимыя бесом, упразднил еси, / и венец нетленный от руки Господни на версе твоём приял еси, всечестне, / не от камней честных украшен, / но твоєю кровию прозябен. / Темже молися Христу / даровати душам нашим мир и велию милость.

**Р**адуйся, великомучениче Христов, Георгие всечестне! / Мы освящаемы есмы, / твоя, священне, борения и подвиги славыящи, / имиже подвижался еси по Христе Боже в летех последних / противу невидимаго врага кознем / и срацынскую веру безбожную попрах еси твоим терпением; / темже и согражданин Ангелом был еси, преславно, / и всем страстотерпцем сопредстольник. / С нимиже молися Господеву / даровати душам нашим мир и велию милость.

**Р**адуйся, страстотерпче Христов Георгие, /

доброто юностная души же и телесе, / столпе веры  
 Православныя, / свирепством мучителя непозыб-  
 ленный, / сосуде мудрости Божественныя, / ласкани-  
 ем врага несокрушенный, / доблесте мужествен-  
 ная, прещением мук неустрашима, / терпение  
 крепкое, биением неодоленное, / ни в темницу  
 затворением, / ни огня опалением, / ни на древе  
 повешением / Христа Бога нашего моли / даровати  
 душам нашим мир и велию милость.

**Р**адуйся, страстотерпче Христов Георгие, / иже  
 мудростию Духа нечестие посрамивый, / и агаря-  
 ном безбожным уста затворивый, / и Христа Бога  
 всем проповедавший, / и от веры Православныя не  
 отступивый; / темже и мук нестерпимых искуше-  
 нию подверженный, / но, благодатию укрепляемь,  
 победне вся претерпевый / и, на древе повешен, /  
 якоже лествицею, выпрь в Небо возлетевый /  
 Христа Бога нашего моли / даровати душам нашим  
 мир и велию милость.

**Р**адуйся, страстотерпче Христов Георгие, / иже  
 на древе повешенный / за повешеннаго на Кресте  
 и воскресшаго Христа, / и росы Небесныя насла-  
 дивыйся, / и тука милости Божественныя вкуси-  
 вый, / и благоухания рай пролилавый вместо смра-  
 да истления, / и воскресения образ всем показав-  
 вый; / тем ныне причащаяся блаженства Царства  
 Небеснаго / и лицезрения Божественныя доброто-  
 ты, / Христа Бога нашего моли / даровати душам  
 нашим мир и велию милость.

### **Ины стихиры, глас 2.**

**Подобен:** Егда от Древа:

**Е**гда ты рождшим Бог дарова, / плод молитвы их  
 и благоволения Своего, / мучениче Георгие сла-  
 вно, / тогда ты печатию любви Своей знамена, / яко  
 да, возрастом преспевая, / себе в вере Христовей  
 крепце утверждаеши, / темже дерзнувше  
 нечестивии / от Камене краеугольнаго ты оттор-  
 гнути, / мученика славно ты соделаша.

**Е**гда ты агаряне осудиша на смерть / и на древе  
 повесиша нечестивии, / мучениче Георгие сла-  
 вно, / тогда, посрамити истлением веру воскресения  
 хотяще, / тридневно непогребенна ты оставиша, /



обáче, триднёвно Погребённый и из мёртвых Воскресый, / росóю прохладáше вар / и благоухáнием тéла твоегó злóбу их обличí.

**Е**гда ты рóждшая повéшена зряше / и с тобóю, непогребённым, триднёвствоваше, / мучениче Геóргие славне, / тогда, Магдалине уподóбльшися, / благодарственными слезáми обливáшеся, / обáче Пребожéственной Марíи подражáющи, / ору́жие про́йде святую́ дúшу ея, / тёмже вскóре ти послéдова, / и спогребéся тебé, и в Цáрствие совселíся.

### Слáва, глас 6. Самогласен:

**П**риидíte, мучениколóбцы вси, / лик составим, / венцы́ похвалáми плетúще / и честную́ главú великомученика Христова, Геóргия нóваго, венчáюще, / напоследок лéтом в Средце́ граде мучéния дверь дóбре прошéдшаго: / сей бо храбóрник, Христовою вооружíвся véрою, / в пóдвиг вниде мýжественне, / и Христа́ исповеда, Сы́на Бóжия и Бóга, / Творца́ и Судию́ вся́ческих, / пред тьмочíсленным наро́дом, / и Моамéфова предáния и закóны / и учéния егó до концá низложí. / Мучíteля и царя́ безбóжнаго, Селíма Тúrскаго, попра́в, / мучеником бысть óбраз и подписáние. / Приидíte, лю́ди véрнии, сегó подражáйте, / да и подобным венцем приобщíteся. / Богáтии и ни́щии, / и здравии, и недúжнии, / почерпíte обильно исцелéния / в слáву Христу́ Бóгу от ковчéга священнаго, / я́ко от нетлénна истóчника. / Сей úбо, на землí пострада́вый / и ны́не на Небесéх цáрствуя, / со А́нгелы, и с ли́ки мученик, / и со все́ми святы́ми мо́лится Спа́су о нас, / уми́рити мир и спасти́ дúши нáша.

**И ны́не, Богорóдичен: Кто Тебé не ублажит:**

**Аще бдéния не поéши, Богорóдичен: Богорóдиче, Ты еси́ лозá истинная: или́ Крестобогорóдичен:**

**Подóбен: Всю́ отложíвше:**

**А**гница Своегó А́гница Несквёрная дрéвле / и Непорóчная Влады́чица / на дрéве Крестнем я́ко узрé, / мáтерски восклицáше и, дивя́щися, вопи́яше: / Ча́до сладчáйшее, / что зрéние сиé нóвое и преслáвное? / Кáко сонм безблагодáтный суди́щу Пилáтову предаде́ Тя / и осуждáет на смерть

Живота́ вся́ческих? / Но воспева́ю Твое́ неизрече́нное, Сло́ве, снизхожде́ние.

**Вход. Прокімен дне. И чтѣнія мученическая.**

**Проро́чества Исаіина чтѣние (глава́ 43):**

Та́ко глаго́лет Господь: / вси язы́цы собра́шася вку́пе, / и соберу́тся кня́зи от них; / кто возвесті́т сія́ в них? / Или́ я́же от нача́ла, кто слы́шана сотвори́т вам? / Да приведу́т свидѣтели сво́я и оправда́тся, / и да услы́шат, и да реку́т і́стину. / Буди́те Ми свидѣтели, и Аз Свидѣтель, / глаго́лет Господь Бог и о́трок, егоче́ избра́х, / да позна́ете, и веру́ете Ми, и разумѣ́ете, я́ко Аз есмь; / прѣжде Мене́ не бысть ин бог и по Мне́ не бу́дет. / Аз есмь Бог, и несть, ра́зве Мене́, спаса́яй. / Аз возвесті́х и спаса́х, / уничи́жих, и не бе в вас чу́ждий. / Вы Мне свидѣтели, и Аз Господь Бог. / И ещѣ́ от нача́ла Аз есмь, / и несть от рук Мои́х избавля́яй; / сотворю́, и кто отврати́т то? / Си́це глаго́лет Господь Бог, / избавля́яй вас, Святы́й Израі́лев.

**Премудрости Соломо́новы чтѣние (глава́ 3):**

Пра́ведных ду́ши в руце́ Бо́жией, / и не прико́снется их му́ка. / Непщевáни бѣ́ша во очесѣ́х безумных умре́ти, / и вмени́ся озлобле́ние исхо́д их, / и е́же от нас шѣ́ствие — сокруше́ние, / оні́ же суть в мі́ре. / Ибо́ пред лицѣ́м челове́ческим а́ще и му́ку прииму́т, / упова́ние их безсме́ртія испо́лнено. / И вмáле нака́зани бѣ́вшие, вели́кими благоде́тельствова́ни бу́дут, / я́ко Бог иску́си я и обре́те их досто́йны Себе́. / Я́ко зláто в горни́ле, иску́си их / и, я́ко всепло́дие же́ртвенное, прия́т я. / И во вре́мя посещѣ́ния их возсия́ют / и, я́ко і́скры по сте́блию, потеку́т, / сужда́т язы́ком и облада́ют людьми́, / и воцари́тся Господь в них во ве́ки. / Надѣющи́ися Нань́ разумѣ́ют і́стину / и верни́и в любви́ пребу́дут Ему́, / я́ко благода́ть и ми́лость в преподо́бных Его́ / и посещѣ́ние во избра́нных Его́.

**Премудрости Соломо́новы чтѣние (глава́ 4):**

Пра́ведник, а́ще пости́гнет сконча́тися, в поко́и бу́дет. / Ста́рость бо честна́, не многоле́тна, / ниже́ в числѣ́ лет исчита́ется. / Седи́на же есть му́дрость

человеком, / и возраст старости — житие нескверное. / Благоугоден Богу быв, возлюблен бысть / и живый посреде грешник, преставлен бысть. / Восхищен бысть, да не злоба изменит разума его / или леть прельстит душу его. / Рачение бо злобы помрачает добрая / и парение похоти пременяет ум незлобив. / Скончався в мале, исполни лета долга, / угодна бо бе Господу душа его, / сего ради потщася от среды лукавствия. / Люди же видевше и не разумевше, / ниже положше в помышлении таковое, / яко благодать и милость в преподобных Его / и посещение во избранных Его.

### На литии стихирьы самогласны, глас 1:

Светлый мученик славным страданием своим / Горняя силы возвесели, / нам же на земли праздник воздвиге добропобеднаго своего преставления, / в немже подвиги его прославляюще, / яже за Христа даже до смерти претерпе, / сие к нему возопим: / моли о нас, святе Георгие, / получиши нам райское вселение и велию милость.

**Глас 2:** Веселися о Господе, граде Софии! / Радуйтесь, окрестная вся, / и похвалами воспойте новаго стратотерпца Георгия, / в последние дни пострадавшего / и равное терпение древним показавшаго. / Прославим убо Христа, того укрепльшаго, / и победу на сопротивныя даровавшаго, / и венцем светлым венчавшаго, / нам же того молитвами подающего / велию и богатую милость.

**Глас 8:** Стратотерпче Христов Георгие, / навотом нечестивых мучителю предстал еси / и, ласканием его увещаемь благочестия отрещися, / ясно Христа Бога всем проповедал еси / и агарянскую веру до конца низложил еси силою Духа Божия. / Темже по многих муках повешенней плоти твоей, / воссед своею кровию якоже на колесницу огненную, / востекл еси к Троице, Богу нашему, блаженне, / и, Небесным счислився ликом, / молиши спастися душам нашим.

### Слава, глас 5:

Стецемся любовью, братие, / к настоящему торжеству славнаго мученика Георгия. / Воинства

Небесная да веселятся, / земля же да удивится  
свѣтлаго юноши преславному терпению / жезлом  
биения, и огнем опаления, и на древе повешения. /  
Кто не удивится, кто не прославит / и хваления  
песней не воспоет ему, глаголя: / мучениче Георгие,  
моли Бога о нас, / почитающих память твою, /  
избавитися нам всякаго прилога сопротивнаго / и  
спастися душам нашим.

### И ныне, праздника или Богородичен:

Храм и дверь еси, / палата и престол Царев, /  
Дева Всечестная, / Еюже Избавитель мой, Христос  
Господь, / во тьме спящим явися, / Солнце Сый  
Правды, просветити хотя, / яже созда по образу  
Своему рукою Своею. / Темже, Всепетая, / яко  
Матерне дерзновение к Немю стяжавшая, / непре-  
станно моли спастися душам нашим.

### На стиховне стихиры, глас 1.

Подобен: Небесных чинов:

Страдалец доблественный и воин непобедимый /  
Святым Духом показався, / низложил еси супоста-  
та мудростию словес, / и дел твоих, славне, и  
терпеливыми показании. / Темже приял еси венец  
нетленный от руки Господни, / с Вѣшними лики  
считався, / мучениче Христов Георгие, / моли спа-  
стися душам нашим.

**Стих:** Праведник, яко финикс, процветет, / яко  
кедр, иже в Ливане, умножится.

Кую ти достойную похвалу принесем, / страсто-  
терпче Георгие, / и кую песнь воспоем? / Земную бо  
славу, яко уметы, презрев / и ласканием врага  
неодоленный пребыв, / рождшия тя наказание  
восприял еси / не бояться смерти за Христа, Спаса  
нашего. / Темже повешению осужден / и душу твою  
Господеву предав, / моли спастися душам нашим.

**Стих:** Насаждени в дому Господни / во дворех  
Бога нашего процветут.

Христу Богу ныне дерзновенно предстою, / стра-  
стотерпче Георгие, / и наслаждаясь ясно красоты  
Его нетленного, / не забуди сроднаго  
промышления / о граде твоём и людех твоих, / но  
моли сохранитися им / от всякаго обстояния

вражия / и крѣпце утвердѣтися в правосла́внем  
благочѣстии / и спастѣся душа́м на́шим.

### Сла́ва, глас 8. Самогла́сен:

**Великомучениче Христовъ Георгіе,** / ты, оклеветаемъ от нечестивых и богомерзких сеит\*, / предстал еси мучителю. / Мучитель же, удивився твоему возрасту и красоте лица, / нача ласканием увещати тя окаянный от христианския веры, / и тафию\*\* возложи на честную главу твою, / юже они, беззаконнии, ношаху. / Ты же, мучениче, дерзостно попрал еси ногами твоими / и поплевал еси лица их, / безбожны нарек, / и, ясно Христа, Сына Божия, со Отцем и Святым Духом / пред всеми проповедав, / срацынскую веру и законы их до конца низложил еси / Божественною Утешителя силою. / И по многих муках зломысленный мучитель огнем искуси плоть твою, / ты же яко хлеб сладок, Троице принеслся еси, блаженне, / и Небесным счислился еси Ангелом. / Тем тя молим: / моли спастися душам нашим.

### И ныне, Богородичен или праздника.

#### Крестобогородичен:

**На Древе видящи воздвигена Сына Своего,** Пречистая, / утробою матерски растерзающихся, зваше: / увы Мне, како зайде, Свете Мой Безлётный?

### Тропарь святого, глас 4:

**Б**ожественным желанием от юнаго возраста / весь сам себе Господеву возложив, / в молитвах и постех образ быв добродетели, / богатство же, и славу, и добродетель телесное, яко не сущее, презрев, / и Христа единого от души возлюбил еси, / и Того, истиннаго суща Бога, в Троице покланяема, / пред нечестивыми турки проповедал еси, / и, срацынскую веру, и законы Моамефовы под ногами поправ / и мучителя ужасив, / мучения венцем украсився, славне, / к Небесным

\* сеит — учитель магометанского закона.

\*\* тафия — татарская (турецкая) шапочка, носимая под шапкой.

востéкл есѣ ликостоянием, / премудре Геóргие. /  
Моли́ Христа́ Бóга / сохранѣти отéчество твоé и  
спастѣ лю́ди и град, / ѣже твоѣ по́двиги присно  
почита́ющия.

**Ин тропарь, глас тойже:**

**Б**ожественною уязвлен любовью, / премудре  
Геóргие славне, / Христа́ Бóга нечестивым  
проповéдал есѣ / и злочестие турское но́гами  
попрал есѣ; / мучения же венцем украсився, / к  
Небесным востéкл есѣ ликостоянием. / Моли́ Хри-  
ста́ Бóга / сохранѣти отéчество твоé, град и лю́ди, /  
по́двиги твоѣ присно почита́ющия.

**НА УТРЕНИ**

**На Бог Господь: тропарь святаго дважды. Слава,**  
и ны́не, **Богородичен.**

**По 1-м стихословии седален, глас 1.**

**Подобен: Ка́мени запечатану:**

**Софійская ма́ти, Софѣи подража́ющи мучени-**  
це, / плод утробы своеѣ поощряше сме́рти за  
Христа́ не боя́тися. / Те́мже ве́ры не отрече́ся  
до́брое порождéние и, муки претерпéв му́жествен-  
не, / ду́шу свою́ Го́сподеви вручи́, / и, на дрéве  
нетлénно повéшен, воскресéния о́браз бысть. /  
Сла́ва Да́вшему им крéпость, / сла́ва Прия́вшему  
я, / сла́ва Назда́вшему нас честным страда́нием их.

**Сла́ва, и ны́не, праздника или́ Богородичен:**

**Гаврийлу вещавшу Тебé, Дéво, раду́йся, / со**  
гласом воплоща́шеся всех Влады́ка / в Тебé, свя́тем  
Киво́те, я́коже рече́ праведный Дави́д. / Яви́лася  
есѣ шѣршая небес, поносѣвши Зиждѣтеля Тво-  
его́. / Сла́ва Всельшемуся в Тя, / сла́ва Проше́дше-  
му из Тебé, / сла́ва Свободѣвшему нас рождеством  
Твоѣм.

**По 2-м стихословии седален, глас 3.**

**Подобен: Красотé дéвства Твоего́:**

**Красоту́ лица́ даде́ тебé Бог и добро́тою души́ ты**  
укра́си, / ты же, талант преумно́жив, ниву удобри́л  
есѣ сдроблённою плóтию / и, крóвию се́мя цар-

ствия напоив, терпением же сёющаго препоясався, / в руке Господеви всего себе предал еси. / Сего ради угобзися плод, и пожал еси мучения венцы.

**Слава, и ныне, праздника или Богородичен:**

Красоте девства Твоего и пресветлой чистоте Твоей / Гавриил удивився, вопиаше Ти, Богородице: / кую Ти похвалу принесу достойную? / Что же возыменую Тя? / Недоумеваю и ужасаюся! / Темже, яко повелен бых, вопию Ти: / радуйся, Благодатная.

**По полиелен седален, глас 8.**

**Подобен: Премудрость и Слово:**

Премудрости Божия Слова причастник быв пребогато, / агарянских учителей посрамил еси, / Христа же пособника приобрёт, ужасныя муки претерпел еси / и, даже до смерти благочестия не отпад, / на древе повешен, тридневствовал еси / и нетлением тела благочестивых обвеселил еси. / Темже, днесь святоё твоё преставление празднующе / и Господеви хвалу приносяще, треблаженне Георгие, / моли Христа Бога согрешений оставление даровати / чтущим любовь честную память твою.

**Слава, и ныне, праздника или Богородичен:**

Премудрость и Слово во чреве Твоем зачэнши неопально, Мати Божия, / миру родила еси мир содержащаго / и в объятных имела еси вся содержащаго, / Пищедателя всех и Творца твари. / Темже молю Тя, Всесвятая Дево, и верою славлю Тя, / избавитися мне прегрешений и в День Суды, / егда предстати ямам пред Лицем Создателя моего, / Владычице Дево Чистая, Твою помощь тогда подаждь ми, / вся бо можеша, елика хочеша, Всепетая.

**Таже степенна, 1-й антифон 4-го гласа. Прокимен, глас 4: Праведник, яко финикс, процветет, / яко кедр, иже в Ливане, умножится. Стих: Насаждены в дому Господни, во дворех Бога нашего процветут. Евангелие от Матфея, зачало 63.**

### По 50-м псалмѣ стихира, глас 2:

**В** подвизе мучѣнія себѣ дѣбре утвердив / и словесы Божественными укрепив, / бесовскую силу разорил еси, / агарянския учителя посрамил еси, / сердикійския люди удивил еси, / ангельския силы ужасил еси / и мученический лик прославил еси. / Ныне же десницею Христа венчаемъ, / моли о нас, страстотерпче Георгие.

**Канон святаго мученика, глас 4, егѣже краеграніе:** Новому мученику новую плету похвалу.

### Песнь 1

**Ирмос:** Моря черную пучину / невлажными стопами / древний пешествовав Израиль, / крестообразными Моисеовыми руками / Амаликову силу в пустыни победил ест.

Новоявлен мученик, блаженне Георгие, вселенней напоследок явился еси, / темже подаждь ми слово твоею благодатию, твоя подвиги воспевати по достойнью.

Очиима мысленными, предстою на судищи, мучеников зрел еси честное сословие, / тебе призывающих радостно, Георгие, / и подобными венцы украшающих.

Воинством досточудным твоего сопротивления погасив Моамефова предания и законы, / веру их срацнскую попрал еси, досточудне Георгие, о Христе укрепляясь, / и злочестиваго мучителя совершенно посрамил еси, славне.

Одеявся в броня исповедания веры и шлем возложив благодати, / светлейший языком, Георгие, боговещанным и честным, / якоже мечем, ссекл еси безумнаго мучителя.

**Богородичен:** Без семене Отчею волею от Божественнаго Духа / Божия зачала еси Сына и плотию породила еси, / Иже от Отца без матере и нас ради из Тебе без отца.

### Песнь 3

**Ирмос:** Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.



**О**полчѣние злочестѣвое, яко воевода силен, победил еси / и строптивого змия вся хитрости поправил еси, мучениче Георгие.

**О** Владыце первее и Господе не насытишася иудеи законопреступнии и пророкоубийственнии, / но и Того мученика разрезаему телу, и огнем опаляему немилостивно, / и водиму по граду от слуг нечестия.

**Е**пѣрх сѣти простираше словесы ласкательными к ловленію страдальца премудраго. / Но он вопиѣ к нему: / престани на мнозе буесловія, аз бо бесом не поклонюся, / ни пожру, паче Творца, нас создавшаго.

**М**удренно последовал еси Владыце твоему, / от иудей пророкоубийственных на Древе повешенному, / и во плоти твоей исполнил еси лишѣние скорбей Христовых за Церковь.

**Богородичен:** Ты едина сущим на земли / паче естества, благих Ходатаица, Мати Божия явилася еси, / темже, радуйся, вопиѣм Ти, / яко Господа рождшей, спасѣние душам нашим.

### Седален, глас 8.

**Подобен:** Премудрости:

**В**оинство, сущее на земли, возненавидев, мучениче, / Небесныя возжелав славы, болѣзни претерпел еси за Христа Бога / и огнепальную смерть от безбожных и скверных турков, / беззаконнаго же царя Селіма посрамил еси Христовым пособием. / Темже днесь святую твою память празднуем, Господеви приносяще хвалу, / треблаженне, страстотерпче Христов Георгие, / моли Христа Бога согрешений оставлѣние даровати / чтущим любовию святую память твою.

**Слава:** Вознесен на древо от нечестивых / и тридневствовав нетленно в посрамлѣние их, / страстотерпче святый Георгие блаженне, / возвесели благодатию твоею православных людей твоих и град, / ограждая их от вражиих нападеній / и подаѣ им в пособіе всегда молитвы твоя, / дерзновѣнием же еже к Богу—веру, победившую мир.

### И ныне, Богородичен:

Солнца облаче разумнаго, Божественнаго Света  
свѣтільниче златокованный, / Нескверная, Неб-  
лазная, Всенепорочная Владычице, / омраченную  
душу мою ослеплением страстей / безстрастия  
зарю просвети, молюся, / и оскверненное ми  
сердце омий потоки умиления, покаяния же  
слезами, / и от тмения мя очисти дел моих, да  
любвию зову Ти: / Богородице Приснодево, моли  
Христа Бога / прегрешений оставление подати  
ми: / Тебе бо имѣю надежду, раб Твой.

### Крестобогородичен:

Агница, и Пастыря, и Избавителя Агница зрящи  
на Крестѣ, восклицаше, плачуши, и, горько рыда-  
ючи, вопияше: / мир убо радуется, приемля Тобою  
избавление, / утроба же Моя горит, зрящи Твое  
распятие, еже терпиши за милосердие милости. /  
Долготерпеливе Господи, милости бездно и источ-  
ниче неисчерпаемый, / умилосердися и даруй  
согрешений оставление / верою поющим Божѣ-  
ственные страсти Твоя.

### Песнь 4

**Ирмос:** Вознесена Тя видевши Церковь на  
Крестѣ, / Солнце праведное, / ста в чине своем, /  
достойно взываючи: / слава силе Твоей, Господи.

Что ми многая словеса и обещаемая тлеемая,  
яже безумне предлагаеши? — / Георгие глагола  
еси к мучителю, — / сия вся мне желчи горчайши. /  
Но твори, еже хочещи, о зломудренне, аз бо  
вопию: / слава силе Твоей, Господи.

Изнури плоть твою многими ранами зломудрен-  
ный мучитель, / ты же, треблаженне, помысл  
непреклонен спасл еси, / поя усердно тя Укрепль-  
шему: / слава силе Твоей, Господи.

Никакоже тебе послушаю, к пагубе привлека-  
ющая, / еже служити нечистым бесом, / якоже вы,  
нечестивии, служите помраченной прелести, — /  
Георгий к мучителю вещаше. — / Умру же паче  
усердно за Умершаго мене ради и с мученики  
вопию: / слава силе Твоей, Господи.

**Богорóдичен:** Неискусобра́чно родила́ еси́, о Де́во, / и по рождестве́ явила́ся еси́, де́вствующи па́ки. / Те́мже немóлчными гла́сы, ра́дуйся, Влады́чице, / ве́рою несумне́нною взыва́ем.

### Песнь 5

**Ирмо́с:** Ты, Го́споди, мой Свет, / в мир пришёл еси́, / Свет Святы́й, обраща́яй из мра́чна неведения / ве́рою воспева́ющия Тя.

Изнемого́ша бию́щии, страстоте́рпчестей плóти утве́рждшися, / и мучи́тель, томле́ния изыску́я: / ты же до́блественне терпел еси́, красу́ясь ра́нами, / я́же за любóвь подъя́л еси́ Го́спода твоего́.

Ко́ль стра́шно же и пресла́вно за Христа́ сопроти́вление твоё, / ему́же у́бо почуди́шася племена́, обрётшаяся на по́двизе, и похва́лиша терпéния, / ту́рцы же и сра́цни студóм облеко́шася.

О, нра́ва благоче́стива! / О, до́блественна ра́зума! / О, ве́ры тепле́йшия честна́го страстоте́рпца Гео́ргия! / Ея́же ра́ди Бо́га получи́.

**Богорóдичен:** Ты ору́жие непобеди́мо на враги́ предлага́ем, / Ты держа́ву и наде́жду на́шего спасéния, Богоневéстная, има́мы.

### Песнь 6

**Ирмо́с:** Пожру́ Ти со гла́сом хвалéния, Го́споди, / Це́рковь вопиéт Ти, / от бесóвския кро́ве очы́щшися / ра́ди ми́лости от ребр Твои́х / истéкшею Кро́вию.

Ника́коже поколебáша столпа́ благоче́стия свирéпство повелева́ющаго безбо́жнаго мучи́теля, / ни жезлы́ биéния, ни го́рькая темни́ца, ни ра́ны, / ниже́ смерть ну́жднейшая.

Оку Херувимскому ума́ твоего́ чистотá уподóбися: / до́ле бо му́жески терпел еси́ мучéния, / горé же предсто́ял еси́ Влады́ще, послáвшему тебе́ венéц побéдный.

Взыгра́шася свéтло мученичестии тогдá ли́цы, ви́девше твоё дерзнове́ние, / и, прини́кше кúпно со А́нгелы, / неви́димо укрепля́ху тя в по́двизе.

**Богорóдичен:** О чу́до, всех чудéс новéйшее! / Я́ко Де́ва, во утробе́ вся Сoderжа́щаго неискусому́жно приéмши, не стужí Си.

### Конда́к, глас 4:

**Я**ко звезда пресвѣтлая, явилъся еси непрелѣстная  
мирови, / праведнаго со́лнца Христа́ возвеща́ю-  
щи страда́нии твоими, страсотѣрпче, / вели́кий  
мучениче Христо́в Гео́ргие, / и прелесть погаси́л  
еси сраца́нскую, / и Моамѣфова преда́ния и зако́-  
ны под нога́ми твоими попрал еси́, / и беззаконнаго  
ца́ря и мучителей ужаси́л еси́ крѣпким твоимъ  
терпѣнием, / и вѣрным подаеши свет, / моля́ся к  
Бо́гу непреста́нно / о всех нас.

### И́кос:

**Премудрый** Зиждитель Влады́ка и Господинъ  
виногра́да мысленнаго / якоже пресвяты́ми усты́  
иже о притчи виногра́да глаголет: / якоже во  
единонадеся́тый час де́лавшим подобную даст  
це́ну, / такожде и от пе́рваго часа́ де́лавшим. / И  
ны́не де́лы известі́ в притчи крѣемое, / Гео́ргия  
но́ва показав, свѣтла мученика и храбо́рника  
преизря́дна, / преда́ния и зако́ны Моамѣфовы под  
нога́ма своима поправшаго / и беззаконнаго ца́ря  
Сели́ма и мучители ужаси́вшаго крѣпким терпѣни-  
ем, / на са́мый убо послѣдок лѣтнихъ ты́сящ подобна  
бывшаго пе́рвымъ страда́льцем. / Того́ Христо́с  
просла́ви нетлѣнием исцелѣ́ния, иже вѣрным пода-  
ѣт свет, / моля́ся непреста́нно к Бо́гу о всех нас.

### Песнь 7

**Ирмо́с:** *В* пеци́ Авраамстии о́троцы персидстей, /  
любо́вию благоче́стия па́че, / неже́ли пла́менем,  
опаля́еми, взыва́ху: / благословѣн еси́ в хра́ме  
сла́вы Твоея́, Го́споди.

**Наноси́мая** ти страда́ния, Гео́ргие досточудне,  
ели́ко пѣстрый он и кова́рный мучитель наноша́-  
ше, / ты же, страда́льче, мужественне терпѣл еси́ за  
любо́вь Христа́ твоего́, радостно поя́: / препѣтый  
оте́ц нашихъ Бо́же, благословѣн еси́.

**Истинен** аз мученикъ и́стиннаго Христа́, Бо́га  
нашего, — / страда́лец взываше к беззаконным, — /  
биѣ́ния же́зленная, и огонь, / и ины́я му́ки гото́в есмь  
сла́дце подъя́ти за любо́вь Христа́ моего́, радостно  
поя́: / препѣтый отѣ́ц нашихъ Бо́же, благословѣн  
еси́.

**Зубы скрэгчуще убийственне, беззаконнии турцы, / яко зверие, восхитиша Богоявленника и огню предаваху, / мученик же радостно пояше: / препетый отец наших Боже, благословен еси.**

**Богородичен:** Вьшняго освященное Божественное селение, радуйся, / Тобою бо дадеся радость, Богородице, вопиющим Ти: / благословенна Ты в женах, Всенепорочная Владычице.

### Песнь 8

**Ирмос:** Руце распостер, Даниил / львов зияния в рове затче: / огненную же силу угасиша, / добродетелию препоясавшися, / благочестия рачители отроцы, взывающе: / благословите, вся дела Господня, Господа.

Ублажиша ты люди, благословиша святителие, / слышаще твоё мужественное терпение и ко Христу ходатая стяжавше тя. / И ныне приходяще, честным твоим мощем поклоняются, взывающе: / благословите, вся дела Господня, Господа.

Хваляся язвами Христовыми, к вечным востекл еси обителем, / в багряницу одаян, мучениче Георгие, от кровей твоих обагрёную, / и светло Царю сил предстоиши, с мученики ликуя, поёши: / благословите, вся дела Господня, Господа.

Играет великий град Средец, и вси окрестнии гради, и веси, тебе воспитавшии, / и красятся памятью твоёю честною, страстотерпче Георгие. / Мучение бо скончав, венца победы сподобился еси и поёши: / благословите, вся дела Господня, Господа.

**Богородичен:** Ты едина во всех родех, Дево Пречистая, / Мати явилася еси Бога, / Ты Божеству была еси пребывалище, Всенепорочная, / не опальшися огнём неприступнаго Света. / Темже вси Тя благословим, Марие Богоневестная.

### Песнь 9

**Ирмос:** Камень нерукосечный / от несекомья горы, Тебе, Дево, / краеугольный отсечёся, / Христос, совокупивый разстоящая естества. / Тем, веселящися, Тя, Богородице, величаем.

**В**оин истинный Христова преповѣдания явился еси, Георгие,/ и безбожия лести срацинския потребитель был еси./ Тѣмже ныне молитвами твоими потребѣ варварское востаніе,/ воинству нашему под ноги сих, славне, низлагая.

**А**ще и разсеяны быша священныя, мудре, плоти твоя,/ и аще крови излияшася, но победительная от тебе произыдоша./ Тѣмже на нас востающих силою твоєю посрамі,/ и воинство наше победителя яви, любовью тебе славящее.

**Е**яже желаном, память светозарную твою и честную приемше, почитаем,/ радуящиеся же духом и играюще, молимся, блаженне Георгие:/ место сие, святители и люди,/ идеже изволи славитися имя твоё, сохраняй невредно,/ отечество и вои утверди.

**Богородичен:** Благословенную Марію, и Божию Матерь, и Дѣву,/ приидите вси, верою и любовью непрестанно восхвалим:/ Еяже ради обретеном вѣчное радование.

### Светилен.

**Подобен:** Плотию уснѣв:

**С**вѣту невечернему предстою, блаженне, с мученическими лики,/ воспевающая тя в памяти твоей/ от искушения спасай молитвами твоими.

### Богородичен:

**На** Тя с Богом уповаем, Пречистая,/ из Тебѣ прошедшему, сраспинаемая Христу,/ Твоими к Немѣ мольбами невредны до конца ны сохрани.

### На хвалитех стихіры на 4, глас 8. Самогласны:

**Н**еизреченных подвиг твоих, мучениче Георгие,/ ты, Божественною распалаемъ любовью,/ терпя железное биение, и разрезание плоти твоея,/ и свещами опаление,/ никакоже преклонен пребыл еси,/ показуя страдальцем первым равно сопротивление твоё,/ о Христѣ укрепляемъ:/ гордаго змия и мучителя посраміл еси/ и Моамѣфова беззаконная преданія попрал еси ногами твоими./ Тѣмже вси, сошедшася,/ любовью память твою почитаем, страсотѣрпче.

**Т**ерпеливно свещами опаляемъ по всему телеси / за Владыку всех, Царя Христа, / и ранами хребет сокрушаемъ, и ножи разрезаемъ, и по граду водим: / поругашася бо тебе нечестивии и законпреступнии турцы, / надеющиеся уловити адаманта / и к своей прелести привлещи, / но Христосъ ты крѣпяше Своєю десницею. / Ты же, мучениче, претерпел еси, зовый: / Христовы любви отнюд ничтоже мя разлучит, / ни смерть, ни живот, ни всякая другая мука. / Темже ты вси любовью ублажаемъ / и светоносный день страдания твоего почитаем.

**Т**ы подобник великомученику Пантелеймону был еси, / мучениче Христов Георгие: / он бо помолился во время страсти своей / и врящее олово устуди; / тебе же зломудренный мучитель по многих муках преда огню / и пес множество вверже, / не хотя безумный честным твоим мощемъ славимымъ быти от христиан. / Богу же ты вельми прославльшу, мучениче, / во время страдания твоего / дождемъ и громомъ страшнымъ и светомъ великимъ, / показавъ честное и многострадальное тело твое невредимо. / И ныне молися Господеву, / Емуже с мученики предстоиши, / о творящихъ память твою.

### Ины стихиры, глас 8.

**Подобен:** Что вы наречемъ:

**Ч**то ты наречемъ, Георгие? / Зерцало ангельския доброты, / еже зареи Духа Божественнаго / на тебе сияти показавъ. / Темже вина быв подвига твоего, / с радостию возшел еси / в добротная жилища рай Небеснаго. / Моли спастися душамъ нашимъ.

**Ч**то ты наречемъ, Георгие? / Источникъ светлый премудрости слова Божия, / источаяй глаголы благочестия / в потопление нечестивыхъ, / обличил бо еси судию / и заткнул еси уста учителей агарянскихъ / силою Духа Божественнаго. / Моли спастися душамъ нашимъ.

**Ч**то ты наречемъ, Георгие? / Терпения крепость нерушимую, / на нюже ветри возвѣяша / словесныхъ искушений / и воды напрѣша жестокихъ мукъ — / жезлы биения и свещи опаления, / но, основана на

ка́мени ве́ры, не позы́блеса./ Моли́ спасті́ся ду́шам на́шим.

**Что** ты наречём, Геóргие?/ Крин благоуханный,/ и́же на со́лнце цветя́й/ и благово́ния исполня́й окрестна́я вся./ Повешен бо на дрéве, триднёв- ствовал еси́/ и, тлéния злосмра́днаго не показав,/ воскресéния ве́ру утверди́л еси́./ Моли́ спасті́ся ду́шам на́шим.

### Сла́ва, глас 6:

**Ра́дуйся** и весели́ся, Бо́лгарский гра́де Средéц сла́вный,/ красуй́ся и ликуй́,/ я́ко в тебе́ прозябе́ плод сла́вен прекра́сный,/ добропобéдный вели́кий му́ченик Хри́стов Геóргий:/ все бо кова́рство мучи́теля врага́ му́жески попрá/ и вене́ц побéды досто́йно прия́л есть,/ проповéда лю́дем че́стне покланя́тися в Тро́ице Еди́ному Бо́гу./ Те́мже и мы со дерзнове́нием вопиéм/ сегó просла́вльшему Хри́сту Бо́гу на́шему,/ умири́ти мир и спасті́ ду́ши на́ша.

### И ны́не, пра́здника или Богоро́дичен:

**Богоро́дице**, Ты еси́ лозá и́стинная,/ возрасти́в- шая нам Плод живота́,/ Тебе́ мо́лимся:/ моли́ся, Влады́чице, со святы́ми апо́столы/ помы́ловати ду́ши на́ша.

### Крестобогоро́дичен:

**Се** у́бо ви́дех копиé, пробóдшее се́рдце, Моé Чадо,/ я́коже прорекóша Ми дрéвле,/ егда́ Ты узрэх, всех сыно́в земных красне́йша:/ на Крестé бо во́лею с разбо́йники,/ я́ко злоде́й, повешен был еси́, Хри́сте.

**Аще** не пра́зднуеши, на стихóвне стихи́ры Октóиха.

### Сла́ва, глас 2. Самогла́сен:

**Прииді́те**, мучениколю́бцы,/ наслади́мся мы́с- ленно духо́вныя днесь трапéзы,/ ю́же нам предло- жи́ му́ченик Геóргий,/ ея́же Ангели наслажда́ют- ся, по ре́кшему проро́ку:/ хлеб яде́ а́нгельский./ С ни́миже и ду́хом водворя́ется,/ и нам про́сит от



Спаса Христа грехов оставления, / того честную память совершающим.

**И ныне, Богородичен, или Крестобогородичен.**

Подобен: Егда от Древа:

Древу Крестному Тя, Иисусе, пригвожденна зрящи, Неискусобрачная, / плачущи, глаголаше: / Чадо Сладкое, / почто оставил еси Мене, рождшую Тя, едина, / Свете неприступный Пребезначальнаго Отца? / Потщися и прославися, / яко да славу получат Божественную / иже Божественныя страсти Твоя славыши.

### НА ЛИТУРГИИ

**Блаженны от канона, песни 3-я и 6-я и прочая вся служба мученическая. Причастен: В память вечную будет праведник:**

**Святой мученик Георгий Новый** родился в знатной болгарской семье, жившей в столице Болгарии городе Средце (ныне город София). Святой Георгий был испрошен у Бога усердной молитвой его родителей Иоанна и Марии, которые до преклонных лет оставались бездетными. Младенца крестили с именем в честь святого великомученика Георгия (память 23 апреля). Юноша Георгий получил хорошее образование, внимательно изучил Священное Писание, был благочестив и целомудрен. Родители скончались, когда Георгию исполнилось 25 лет. В то время Болгария находилась под властью турок, которые насильно обращали христиан в магометанство. Однажды несколько мусульман попытались обратиться к Георгию. Они надели на голову святого тафью — круглую шапочку, в которой мусульмане входят в свои молитвенные дома. Но Георгий бросил тафью на землю. Турки с побоями и руганью повели мученика к своему правителю. Правитель был поражен мужественным обликом и красотой лица святого Георгия и стал ласково убеждать его принять магометанство, обещая всевозможные почести и богатство. Но святой смело и твердо исповедал веру в Господа Иисуса

Христа и порицал заблуждения магометанства. Правитель в гневе приказал беспощадно избить святого Георгия палками, но святой твердо держался в исповедании Христовой веры. Правитель приказал усилить пытки. Страстотерпец терпеливо переносил все страдания, призывая на помощь Господа Иисуса Христа. Потом мученика повели по городу под барабанный бой с криками: «Не ругай Магомета и не унижай веру мусульман». Наконец посреди города разожгли большой костер, чтобы сжечь святого Георгия, но он, ослабев от ран, упал на землю. Еще живого его бросили в огонь, а сверху набросали трупы псов, чтобы христиане не смогли потом найти останки мученика. Но внезапно полил сильный дождь и погасил костер. С наступлением темноты место, где было брошено тело мученика, озарилось ярким светом. Одному христианскому священнику позволили взять честные останки мученика для погребения. Извещенный о случившемся, митрополит Иеремия в сопровождении клира направился к месту казни. В погасшем костре было найдено тело святого мученика Георгия (†1530) и перенесено в храм святого великомученика Георгия в городе Средце.



## Обрѣтение честныхъ мощей преподобнаго Макарія, игумена Калязинскаго

### НА ВЕЧЕРНИ

На Господи, воззвах: стихиры, глас 6:

**В**седержителною десницею укрепляемь, / преподобне отче наш Макарие, / воздержанием пищу Божественную познал еси / и непрестанною молитвою и ношным стоянием / Божественный наследник быти сподобися. / Слезными же потоки вся бесовская ополчения потопил еси, / темже и Христос тя дарованием чудес прослави, / Егоже вожделе и Егоже ради тяготу дневную понесё, / Того моли спастися душам нашим.

Приидите, вси концы земли, / псалмы и песнями священное и честное / преподобнаго торжество Макария днесь благочестно восхвалим, / аще бо и последи возсия, / но древних чести сподобися, / и молится Христови / спастися душам нашим.

Страстная възграна воздержанием, / отче преподобне Макарие, изсушил еси / и от сего дом и жилище Духу Пресвятому показася / и исцеление верою приходящим к тебе подаеши, / якоже вторый Илия, чудесы показася: / он бо в животе воздуха водоточными чудодествоваше, / ты же и по смерти чудесы удивляеши, / не зеркалом бо и гаданьми, / но яснее и явленнее зриши Святую Троицу, / Еяже моли спастися душам нашим.

### Слава, глас 8:

Приидите, иноки множества, / днесь псаломская пения аки цветы духовныя принесем, / яко воистину иноческому удобрению / и преподобным сожителю, / хваляще, сие рцем: / радуйся, светильниче многосветльи, / возводя ко Христу иноки множества; / радуйся, Твери граду похвала и удобрение, / и всем верным благоутешное пристанище, / и исцеление болящим во гресех, / на

Божественное тех возвышая рачение, / тем пречестную и святую твою, / и Ангелом говейную обстояще раку, / любезно облобызаем, преподобне отче наш Макарие, / и Божественнаго человеколюбия просим получитьи / твоими к Богу молитвами / и миру смирение даровати / и душам нашим велию милость.

**И ныне, праздника или Богородичен: Царь Небесный:**

**Прокимен дне. И чтения три преподобническая (зри страницы 45—46).**

### **На стиховне стихиры, глас 8.**

**Подобен: О, преславнаго чудесе:**

**О, преславное чудо! / Яко звезда от запада, / Макарие, провозсиял еси / и был еси правило добродетелей, / монахов утверждение, / постников удобрение. / Темже, сошедшеся в память твою, / Христа возвеличим, / прославляющаго Своея угодники.**

**Стих: Честна пред Господем / смерть преподобных Его.**

**О, преславное чудо! / В последняя времена, / яко заря, облистал еси, Макарие, / монах истинен был еси, / любви явился еси исполнен / и, яко Ангел, на земли пожил еси, / изображая в себе доброту Божественную. / Тем память твою / почитаем, досточудне.**

**Стих: Блажен муж, бойся Господа, / в заповедех Его восхощет зело.**

**О, преславное чудо! / Макарий дивный, / Креста силою вооружився, / и, яко крепкий воин, / победы невидимых врагов ополчения, / и со Ангелы ныне водворяется. / Темже в память его возопием: / того молитвами, Христе Боже, / спаси души наша, яко Милосерд.**

### **Слава, глас 2:**

**Преподобне отче, / измлада в добродетели прилежно подвизався, / орган бысть Святаго Духа / и от Него прием чудес действо, / человеки научил еси преобидети маловременных, / ныне же Божэ-**

ственным светом чисте облистáемь, / просвети́  
наша помышлénия, óтче преподóбне.

**И ныне, праздника или́ Богородичен.**

**Тропáрь, глас 8:**

**П**лотская мудрoвáния, óтче Мака́рие, / воздер-  
жáнием и бдénием умертвил еси́, / мéсто бо, на  
нэмже пóты твоя́ излия́л еси́, / я́ко труба́, вопиét к  
Бóгу, / повéдаючи твоя́ исправлénия, / и по смéрти  
честны́я твоя́ мóщи источáют исцелénия. / Тémже  
вопиém ти: / моли́ Христа́ Бóга, да спасét дýши  
наша.

**Ин тропáрь, глас 2:**

**Я**ко дрéво насаждéно при водах воздержáния, /  
струя́ми слез твоих напáемь, / преподóбне  
óтче Мака́рие, / сэяв бо со слезáми, в рáдости  
жнéши добродéтельныя рукоя́ти, / тем Вели́кий  
Мздодавец плоды́ трудов твоих прият / и в житни-  
цах Небéсных тя сокровище положи́, / но поминáй  
чтýщих лóбовию пресвётлую пáмять твою́ / и моли́  
Святýю Трóицу, преподóбне Мака́рие, / спастísя  
душáм нашим.

**Ин тропáрь, глас 8:**

**С**лез твоих течéньми пусты́ни бесплóдное возде-  
лал еси́ / и и́же из глубины́ въздыхáньми во сто  
тудóв уплодоноси́л еси́, / и был еси́ светильник  
вселénней, сияя чудесы́, / Мака́рие óтче наш, моли́  
Христа́ Бóга / спастísя душáм нашим.

**Слáва, и ныне, праздника или́ Богородичен:**  
**И́же нас рáди:**

**НА УТРЕНИ**

**На Бог Госпóдь: тропáрь праздника двáжды.**  
**Слáва, преподóбнаго. И ныне, праздника или́**  
**Богородичен.**

**По 1-й стихоло́гии седа́лен, глас 8:**

**Зарéю Божéственного сия́ния просветívся, /**  
**оста́вил еси́ мíра жити́я вся / и восприя́л еси́ со**  
**безплóтными жити́е невещéственно, / Дýха Божé-**

ственнымъи благодатьми усугубився, / отонудуже  
исцелений дар восприял еси. / Тем вопиём ти: /  
моли Христа Бога спастися душам нашим.

**Слава, и ныне, праздника или Богородичен:**

Небесное благочестие силам и похвальную вы-  
соту душам нашим, / Матерь Деву Отроковицу  
восхвалим, вернии: / радуйся, Яже Ангелов Твор-  
ца во утробе носивши. / Радуйся, падающим  
очищение, Бога Слово воплощши. / Радуйся, Неве-  
сто Невестная.

**По 2-й стихологии седален, глас 2:**

Страстныхъ тьмы отбег, к безстрастию путём  
наставляемъ, / к Свету невечернему востекл еси / и,  
от Сего озарився, нетления богатство наследовал  
еси. / Моли непрестанно о всех нас.

**Слава, и ныне, праздника или Богородичен:**

Души моея леность лютую и сердца моего  
пренеможение, Мати Божия, / возревши, исцели  
молитвами Твоими / и спасёных части сподоби,  
избавляючи мя тьмы и мучения, / яко едина  
упование моё и утешение.

**По полиелёи седален, глас 6:**

Воздержанием многим мудрования плоти  
умертил еси, / душу украсив одеждою безстра-  
стия, / слезныя капли с течении потоков совокупил  
еси. / Пришед умом ко Истинному Рачителю, /  
испроси нам велию милость.

**Слава, и ныне, праздника или Богородичен:**

От сердца стенание и от утробы Ти приношаю, /  
Твоё, Пренепорочная, прося благопробитное за-  
ступление: / помилуй всестрастную мою душу /  
умилосерди многомилостиваго Бога / избавити мя  
суда и ёзера огненнаго, / едина Благословенная.

**Таже степенна, 1-й антифон 4-го гласа. Прокі-  
мен:** Честна пред Господем / смерть преподобных  
Его. **Стих:** Что воздам Господеву о всех, яже  
воздаде ми? **Евангелие от Матфея, зачало 43.**

## По 50-м псалмѣ стихира, глас 6:

Преподобне отче, / во всю зѣмлю изыде вещание  
исправлений твоих, / тем на Небесех обрел еси  
мзду трудов твоих, / демонския погубил еси полки /  
и ангельския достигл еси чины, / ихже житию  
безпорочно поревновал еси, / дерзновение имея ко  
Христу Богу, / мир испроси душам нашим.

### Канон, глас 1.

#### Песнь 1

**Ирмос:** Твоя победительная десница / боголепно  
в крепости прославися: / та бо, Безсмертне, / яко  
всемогущая, противныя сотре, / израильтяном  
пути глубины новосодѣлавшая.

Ума чистыми светлостми Божественная зря, /  
мужеским нравом, блаженне, к подвигом устре-  
мился еси, / премирными блистаниями трисолнечно-  
го света озаряемь.

Поставив ноге на камени веры, / не поколебался  
еси, блаженне, от искушений и навет вражиих, /  
но, яко огнепальна звезда, попаляя вся благода-  
тию Пресвятаго Духа.

Законы Божественныя соблюдая, / победу веч-  
ную взял еси, преподобне, прогонити духи  
лукавыя / и сих до конца низложил еси.

**Богородичен:** Неизглаголанно зачала еси Бога /  
и паче естества родила еси, Пречистая Владычи-  
це, / земныя от прегрешений изменшаго. / Темже  
молю Тя: многих мя согрешений избави.

#### Песнь 3

**Ирмос:** Еди́не, ве́дый челове́ческаго существа́  
не́мощь / и ми́лостивно в не вообра́жся, / препоя́ши  
мя с вы́соты си́лою, / е́же вопи́ти Тебе́, Святы́й, /  
одушевле́нный хра́ме неизрече́нныя сла́вы Твоея́,  
Человеколю́бче.

Якоже честный бисер, твоя мощи, преподобне,  
всеми видимы, предлежат, / различная исцеления  
неоскудно подающе.

Глаголом и законом Божиим исполнитель был  
еси, / исполнился, отче премудре, Божественных  
даров и чудес, / и всем луча богато испустил еси.

**Направился еси, преподобне, к Божественным пристанищем / окормлением Христа Бога нашего, / напастей прешед свирепых волн.**

**Богородичен:** Дело, еже соделал еси, Господи, кто скажет? / Юже бо проклял еси в печалех родити чада, / Сын Ея показался еси, / и радуется женское отпадшее естество о Тебе, Бозе, Богородицы ради.

### Ин кондак, глас 8:

**Я**ко финикс псаломский во удолиих постнических процвел еси, / трудов своих поты, яко плоды духовными, возвеличил еси над всеми Бога, / но яко имея дерзновение ко Святей Троице, / поминай нас, чтущих любовью святую память твою, да зовем ти: / радуйся, преподобне Макарие, отче наш.

### Седален, глас 8:

**Хранитель сый Божественных повелений Владыки, славне, / чистое житие твое показатя священнодателя Божественна, / каплями потов твоих прелести лотое углие погасил еси / и в тихое пристанище достигл еси, / зриши, блаженне, Егоже возжелел еси. / Темже вопием ти: / моли Христа Бога грехов оставление подати / чтущим любовью святую память твою.**

### Слава, и ныне, праздника или Богородичен:

**Я**ко Деву и едину в женах, / Тя, без семене рождшую Бога плотию, вси ублажаем, роди человечести, / Огнь бо вселися в Тя Божества, / и яко Младенца дойши Зиждителя и Господа. / Тем, ангельский и человеческий род, достойно славим пресвятое рождество Твое / и согласно вопием Ти: / моли Христа Бога согрешений оставление даровати / поклоняющимся верою пресвятому рождеству Твоему.

### Песнь 4

**Ирмос:** *Гору Тя, благодатию Божиею приосененную, / прозорливима Аввакум усмотрив очима, / из Тебе избыти Израилеву провозглашаше Святому / во спасение наше и обновление.*

**Почёт** добрыми твоими нра́вы Бо́га Преблага́го, Мака́рие./ Тёмже исцелéний исто́чник излива́еши,/ зной отгоня́я болéзней же и печáлей, му́дре.

**Ны́нешняго житiя красоты́** вся умéты вмени́л еси́,/ да Христá приобря́щещи,/ и сегó ра́ди до́бре потруди́лся еси́, венце́но́сче великоимени́тый.

**Простёр** ум ко еди́ному Влады́це,/ венéц нетлéния от Него́ прия́л еси́,/ сия́ющий свéтлыми светолiттии и богáтыми даровáнии,/ иде́же перво́ро́дных жили́ща.

**Богорóдичен:** Влады́чице ми́ра, Богорóдице, помози́ ми,/ прелука́вый враг поглоща́ет мя зéльне лю́тыми воспомина́нии и помышлéнии,/ я́же от Бо́га мя разлуча́ют,/ не оста́ви у́бо мене́, ниже́ презри́.

### Песнь 5

**Ирмо́с:** Твой мир даждь нам, Сы́не Бо́жий,/ ино́го бо, ра́зве Тебе́, бо́га не зна́ем,/ и́мя Твое́ имену́ем,/ я́ко Бог живы́х и мёртвых еси́.

**Стра́сти** попалíл еси́ огнём воздержáния,/ дýшу озари́в Божéственными сия́нии,/ дéмонов прогонíтель яви́лся еси́, Божéственным Дýхом просвещáемь.

**Дóблести** тво́я, Мака́рие, человекоубийца зрéти не могíй,/ искушéния тебе́ простира́ет,/ и́мже мужемúдренно противля́ясь, до конца́ сегó низложи́л еси́.

**Мирска́го смущéния** отбéгл еси́,/ добродéтельми удобрив житиé твоё,/ мона́хов утверждéние был еси́, óтче Мака́рие преподóбне.

**Богорóдичен:** Ты крéпость моя́, Ты похвалá и ра́дование,/ Храни́тельница ми и заступлéние, и прибéжище,/ и Предстáтельница непобедíма, Пресвятáя Богорóдице,/ тёмже спаси́ раба́ Твоего́.

### Песнь 6

**Ирмо́с:** Обы́де нас послéдняя бéздна,/ несть избавля́яй,/ вмени́хомся, я́ко óвцы заколéния,/ спаси́ лю́ди Тво́я, Бо́же наш:/ Ты бо крéпость немощствую́щих и исправлéние.

**Моля́** прилéжно Го́спода,/ недви́жущагося óтrocka цéла сотвори́аши,/ безгласнаго прéжде Бо́жиим



прóмыслом показáл еси́ многоглаго́лива, / óтче наш, чудотво́рче Мака́рие, ино́чествующим свети́льниче пресвѣтлы́й.

**Пóстническим огнѣм** иску́сився, о́ко сѣрдца твоего́ преочи́стив, / и добродѣтельным нра́вом ду́шу просвети́л еси́.

**Вни́де** в тя рачѣние Соде́теля, Богому́дре, / оста́вь земныхъ пристра́стие, / единосѣльник показáлся еси́ Вѣшнимъ служи́телем.

**Богоро́дичен:** Без семене во чрѣве Бо́га зачала́ еси́, / Де́ва пребывши по рождествѣ, Чи́стая, стра́шнем. / Тѣмже хвала́ми Тя сла́вим, Тобо́ю изба́вльшеся кля́твы, Пречи́стая.

### Конда́к, глас 2.

**Подобен:** Вѣшнихъ ища́:

**В**ѣшнихъ желая́, воздержáнием, и труды́, и по́ты насладився, / желáние плóти твоея́ обузда́в, / чудесъ дар приѣм от Христа́ Бо́га, / свети́льник яви́лся еси́ пресвѣтлы́й. / Тѣмже Христо́ва Цѣрковь пѣсньми сла́вит тя, / преподóбне Мака́рие, óтче наш.

### И́кос:

**Зва́ние** Вседержи́тельныя десни́цы в сѣрдцы твоѣм яви́ся, / ты же но́вое пресвѣтлое свети́ло, óтче Мака́рие, показáся, / аще и естество́м человекъ быв, но Вѣшняго Иерусали́ма сограждани́н яви́ся, / вся оста́вил еси́ плотскáя мудровáния, / богáтство и сла́ву, я́ко прах, нивочто́же вмени́в, / и на стра́сти, я́ко безплóтен, подвизáся. / Тем вопиѣм ти: / ра́дуйся, я́ко моли́твами твоими́ протѣвнии побежда́ются; / ра́дуйся, целому́дрия сто́лпе, имже бесо́вская шата́ния искорени́шася. / Ра́дуйся, свети́льниче многосвѣтлы́й; / ра́дуйся, ста́ду твоему́ по́мощь и заступлѣние. / Ра́дуйся, правосла́вным лю́дем похвала́ и утверждѣние, / ихже соблюди́ моли́твами свои́ми от враг ненавѣтных, / да, вси вѣрнии, вопиѣм ти: / ра́дуйся, Мака́рие, преподóбне óтче наш.

### Песнь 7

**Ирмо́с:** Тебѣ умную, Богоро́дице, пещь / разсмотримъ, вѣрнии: / я́коже бо óтроки спасе́ три Превоз-

*носимый, / мир обновй, во чреве Твоём всецел, / хвальный отец Бог и препрославлен.*

**Воздержания** росюю доблественне страстную пещь погасил еси, / слез же каплями, воздушных князей написания растерзал еси / и со дерзновением вопиял еси Христу: / отец наших Боже, благословен еси.

**Постников** ты был еси похвала, Макарие, / крепко низложив демонская шатания, / и ныне наслаждаешься неизреченная красоты, вопия Христу: / отец наших Боже, благословен еси.

**Единому** Богу возложив душу и помышление, тесный путь шествовал еси, / тем получил еси Небеснаго Царствия наслаждение. / И ныне зываеши: / отец наших Боже, благословен еси.

**Богородичен:** Троице во единстве православно служаще, / Тя, Мати Дево Чистая, яко Бога плотию рождшую проповедающе, / земнии, божественно поем: / отец наших Боже, благословен еси.

### Песнь 8

**Ирмос:** *В пещи отроцы Израилевы, / якоже в горниле, / добротю благочестия чистее злата блещахуся, глаголюще: / благословите, вся дела Господня, Господа, / пойте и превозносите во вся веки.*

**Духа** благодать приим, отче Макарие, сосуд избранный показался еси, / святыню приим от Христа Бога, Емуже непрестанно вопия: / да благословит тварь вся Господа и превозносит во вся веки.

**Божественною** силою укрепляемь, победил еси невидимых враг ополчения, / к Свету приблизился еси невечернему, присно воспевая: / да благословит вся тварь Господа и превозносит во вся веки.

**Монашествующих** был еси правило правости и страсти вся крепко попрал еси. / Темже, возшед на высоту, научил еси воспевати: / да благословит тварь вся Господа и превозносит во вся веки.

**Богородичен:** Спасения Ходатаица нам явилася еси, Богородице, / рождающая Спаса и Владыку всех. / Темже молю Тя: / спасения сподоби смирен-

ную мою дѹшу / песнословити Тя вѣрно во вся вѣки.

### Песнь 9

**Ирмос:** Образ чистаго рождества Твоего / огнепалімая купина показá неопáльная, / и ныне на нас напáстей свирѣпеющую угасити, молимся, пещь, / да Тя, Богородице, / непрестáнно велича́ем.

**М**раз нощный дóблественне претерпѣл еси и вар дневный понесл еси, / дом Премудрости Божия был еси / и возшел еси на гóру Божественнаго рáзума.

**А**лчбою, и молитвами непрестáнными, и чистою Бóгу соединяся, / множества монашествующих научил еси / вещественных всех огребáтися.

**С**тадо твоѣ, óтче, возгáл еси на пáжить чисту воздержáния, / и привел еси к безстрастия истóчнику, / и ныне потщися, пáстырю дóбрый, сохранити сие невредно.

**Богородичен:** О Пресвятáя Дѣво, Мáти Бóга Вьшняго! / Твоѣ Рождество на землі спасѣние явися грѣшником и смиренным, / о Тебѣ бо спасохомся, вѣровавшии, / но спасаеши мя ныне и во вся вѣки жízненные.

### Светѣлен:

**М**ногосвѣтлый светѣльник, пустынное воспитáние, чистоты сокрóвище, / Ангелом собесѣднице, дом Дѹха Пресвятáго, Мака́рие преподóбне, / непрестáнно мо́ися о вѣрою почитающих пречестную пáмять твою.

### Слáва, и ныне, прáздника илѣ Богородичен:

**Т**я пѣснями немóлчными ублажа́ем, Дѣво, / я́ко от Трѣицы Единаго родила́ еси, Богородице, / и носиши на Божественных объ́ятиих Божественное Слово, / Егóже пѣснями досто́йно сла́вим.

### На хвалíteх стихѣры, глас 4:

**Б**ожественная и светонóсная настá пáмять / иже в постницах великаго Мака́рия, / дѹши и телеса́ веселящи, / тѣмже приидите, прáзднолюбцы, / я́ко да насладимся нынешняго торжества: / се бо нáше

зв́ание при́иде, / и Ру́сския земли́ удобре́ние, / и  
Тверы́ гра́ду похва́ла и утвержде́ние, / снаслéдник  
бо Хри́стов яви́ся, / и безплóтных жити́ю подража́-  
тель быв, / и мо́лится Спа́су всех / умири́ти мир и  
спасти́ ду́ши на́ша.

**Весели́ся и красуй́ся о Го́споде, / вели́кий Тверь  
град, / процвётше в себé но́ваго свети́льника, /  
якоже со́лнце, вселённую просвеща́ющая. / Красуй́-  
ся и лику́й, Це́рковь Бо́жия, / ино́к же мно́жества,  
сра́дуйтесь, / празднило́бных собо́ри, выгра́йте, /  
и, венéц от духо́вных цветéц\* исплётше, с Дави́-  
дом возопи́ем: / сон че́стен пред Го́сподем смерть  
преподóбных Егó.**

**Чи́стое и пречестно́е приятелище яви́ся Ду́ху  
Пресвято́му, / преподóбне о́тче наш Мака́рие, /  
безплóтных бо во плóти жити́ю подража́л еси́, /  
телéсная бо двиза́ния воздержани́ем умертви́в, / в  
живоно́сную ме́ртвость обóлкъся. / Сего́ ра́ди от  
Вседержи́тельныя венча́ся десни́цы / и чуде́с исце-  
лэ́ния от Него́ сподóбися. / Аще бо преста́вился от  
земли́, / но Бо́гови жив предсто́йши / и zde с на́ми  
невидимо водворя́ясь, / но, я́ко имéя дерзнове́ние, /  
моли́ся о душа́х на́ших.**

### **Сла́ва, глас 6:**

**Све́тлый и всепра́зднственны́й днесъ возсия́  
день, / я́коже второ́е со́лнце, / вся празднило́бных  
собо́ры просвеща́я / и мглу отгоня́я дре́вняго  
помраче́ния, / честна́я па́мь Мака́рия вселённую  
созыва́ет, / честне́й бо егó и чудотво́рней ра́це / со  
стра́хом и любо́вию предсто́яще, / любéзно облобы-  
за́ем и мо́лимся: / во́инству на́шему одоле́ние  
побе́дное дарова́ти, / и смире́ние ми́ру, / и душа́м  
на́шим ве́лию ми́лость.**

**И ны́не, пра́здника или́ Богоро́дичен.**

### **НА ЛИТУРГИИ**

**Блаже́нны от канóна, пёснь 3-я и 6-я. Прокíмен, глас 7:  
Честна́ пред Го́сподем / смерть преподóбных Егó. Стих: Ч то  
возда́м Го́сподеви о всех, я́же воздаде́ ми? Апóстол к  
Галáтом, зача́ло 213. Аллилу́ия, глас 6: Блаже́н муж, бойся**

\* цветéц — цветков.

Господа, в заповедех Его восхощет зело. **Стих:** Сильно на землі будет семя его. **Евангелие от Луки, зачало 24.**  
**Причастен:** В память вечную будет праведник:



**Обретение мощей преподобного Макария Калязинского** произошло 26 мая 1521 года. Купец из города Дмитрова, Михаил Воронков, пожертвовал средства на строительство каменной церкви вместо обветшавшей деревянной в Калязинском монастыре. Игумен монастыря Иоасаф водрузил крест на месте, предназначенном для алтаря, и благословил копать рвы под фунда-

мент. Во время работ был обретен неразрушившийся гроб, от которого исходило благоухание. Игумен Иоасаф тотчас узнал гроб основателя монастыря — преподобного Макария, преставившегося в 1483 году. Братия монастыря и множество собравшегося народа совершили панихиду над перенесенным ко храму гробом. С этого дня у нетленных мощей святого стали совершаться исцеления. Об этом было сообщено Московскому митрополиту Даниилу (1522—1539), который созвал в Москве Собор и, подробно рассмотрев свидетельства о святости преподобного Макария, установил празднование новоявленному святому. Мощи были торжественно перенесены в храм во имя Святой Троицы. Феодосием из Твери была составлена служба на обретение мощей. До 1547 года почитание святого Макария совершалось только в его обители. На Московском Соборе 1547 года, при митрополите Макарии (1543—1564), преподобный Макарий Калязинский был причислен к лику святых, память его в числе других русских святых постановлено праздновать по всей России. Сведения о преподобном Макарии Калязинском помещены также 17 марта, в день памяти преставления святого.

### Литература

Анатолий, архимандрит. Житие преподобного отца нашего Макария Калязинского чудотворца. Калязин, 1884.

